

Bibliya Para Kareng Anak

Bibye na kekayu:

Ing Milagru ng Hesus



Sinulat ng: Edward Hughes

Ginulis ng: Byron Unger; Lazarus
Alastair Paterson

Semasnan ng: E. Frischbutter; Sarah S.

Sinalin keng Kapampangan ning:
www.christian-translation.com

Gewa ning: Bible for Children
www.M1914.org

©2022 Bible for Children, Inc.


Lisensya: Atin kang karapatang kumopya o iprint
ining istorya basta eme mu pipisali.



Ginawa yang dakal a milagru i Hesus. Deng milagru, ila deng tanda banta ipakit da na I Hesus tune neng anak ning Guinu. Ing minunang milagru milyari ya keng metung a kasal. Ing problema sinibul ya. Migkulang ing alak kareng bisita.



I Maria, ima ng Hesus, sinabi ne ing problema,
kaybat na nita sinabi na kareng tagapagsilbi gawan
da nanu man utus ng Hesus.



"Sapakan yeng danum dening dukanan",
anang Hesus. "Danum?" kitang da. Wa,
danum ing pekisabi ng Hesus.



I Hesus kanita sinabi na
kareng tagapagsilbi na
kuma la keng pidukanan
at patakman de iti king
manibala. Ing danum
maging yang alak!
Manyaman a alak!
Pekamanyaman
a alak!



Deng tagapagsilbi megbilib la.
I Hesus gewa neng danum
ing alak. Ing Guinu
mu ing makagawang
makanitang milagru.



I Hesus ginawa yapang aliwang milagru.
Metung a bengi, iya ampo deng keyang
disipulus minta la keng bale ng Pedro.
Ing katwangan ng babaing Pedro
masakit at malagnat ya.



I Hesus telan ne gamat ing masakit a babai. Kaybat na nita kinayap ya. Tinalakad ya at pegsilbyan ne I Hesus ampo deng kayang disipulus.



Balamu ing buung
syudad migtipun la
keng pasbul ing
benging ayta.
Deng masakit
dintang la - bulag,
maklak, pipi ampo
baldadu. Andyang
deng tawung
damonyus a biye
miglupung la
kang Hesus.
Asopan nala kaya
deng dakal?



I Hesus, anak ning Guinu, makasaup ya. I Hesus sinaup ya. Egana ganang minta kaya kinayap la. Deng tawung kukusad king biye maglakad ngeni makalakad, makapulayi ampo makalundag nala.



Deng aliwang
minta, mesura
la uling keng
ketong.




Meging lang buu
ampo malinis inyang
pekayapan nong
Hesus.



Deng babai ampo lalaking mamroblema kareng demonyu tinalakad la harapan ng Hesus. Inutus nala deng demonyung lakwan dala.

Tinaluki la deng demonyu, tinakut. Deng malungkut a tawu meging lang masaya ampo kalmadu.



King gulut da reng dakal a tawu atin apat a lalaking
sasaup keng kaluguran dang milapit kang Hesus.
Oneng ela makalapit. Nanung agawa da?



Bubwat de ing masakit dang
kaluguran minukyat la keng
bubung ning bale, deng apat a
mikakaluguran biklas de ing
bubungan tsaka de beba ing
masakit. Ngeni,
mipalapit ya
kang Hesus.



I Hesus, ikit nala deng
apat a mikakaluguran
sasalpantaya la. Sinabi
na keng masakit, "Deng
kekang kasalanan
mepatawaran
nala. Talakad
ka at lumakad".
Tinalakad ya
ing masakit,
kayap at masikan.
Pekayapan neng
Hesus.



Kaybat na nita, I Hesus atsu
ya king bangka abe nala deng
keyang disipulus. Dintang
ing makatakul a bagyu.


Matudtud ya I Hesus.

Deng tatakul a disipulus
ginising de. "Guinu,
iligtas yu kami" ada.
"Mate kami!"



"Ekayu magalo," I Hesus itusan nala deng alun. Maligwa, ing dagat meg kamado ya. "Nanu ya klasi tawu ini?" sitsit da reng disipulus na. Andyang ing angin ampo dagat tatalukyan de. Maniwala la na I Hesus anak ne ning Guinu uling deng kayang milagru pepalto de ing keyang kalualhatian. Deng kayang disipulus eda balu ita,

pero ita akit da patse I Hesus gawa yang milagru kabang pagsilbiyan ne ing Guinu kareng tawu.



Ing Milagru ng Hesus

Istorya menibat king salita ning Guinu,
ing Bibliya

akit keng

Mateo 8-9, Mark 1-2, Mark 4,
Lukas 4, Lukas 8, Juan 2

“Ing dalan kilub ning kekang salita mameye
yang sulu.” Ding Dalit 119:130





Ing Kayaryian



Ing istorya ning bibliyang ayni sasabyan na tungkul keng mayap tamung Guinu a meglalang at buri naka akilala.

Ing Guinu balu na ginawa tamung e masanting, a sasabyan nang sala. Ing yatul keng sala, kamatayan. Uling king lugud ning Guinu pedala ne ing yakabud ng anak, I Jesus, banta mate ya king krus at iyang miparusan keng kekang kasalanan. Kaybat I Jesus sinubli yang mebye at pepaytas ya banwa. Nung sasalpantaya ka kang Jesus at manyad kang tawad Kaya kareng kekang kasalanan, gawan na! Datang ya at kumabye keka, at kumabye ka mu naman kaya angga man king alang angga.

Nung maniwala kang ini ing katutwan, sabyan mu ini keng Guinu: Kaluguran kung Jesus, sasalpantaya kung ika ing Guinu, a megging tawu para mate keng kakung kasalanan at sinubling mebye. Datang ka keng kakung biye at patawaran muku kareng kakung kasalanan, bang kanita midinan kung bayung biye ngeni, at miras ing aldo akayabe daka angga man keng alang angga. Sopan mukung taluki keka at mibye para keka bilang anak mu. Amen.

Basan me ing Bibliya at pakisabyan me ing Guinu aldo aldo! Juan 3:16

